

花影尺牘

情怨・情別・情歡・情豔



上海進德圖書局發行

中華民國十四年五月五板



出板者 上海進德圖書局

發行者 上海進德圖書局

印刷者 上海民國圖書館

代售者 各省各埠大書局

花影尺牘
別情 豔情 歡情 怨情
一冊定價大洋六角

花影尺牘序

古者執訊往來。因辭致意。同心兩地。藉達相思。於是尺牘尙焉。然吾人讀書十年。會心博覽於藝圃文林之內。寢饋貫通。則洋洋數千言。不難下筆。即是若胸中墨少。儉腹無文。或者初學捉刀。豈能揮毫立就。則欲道達心曲。不得不依傍門戶。然則前賢尺牘。其有益于淺學家者。實多導引之功。特是訪聞已刻之書。近日以來。不啻汗牛充棟。其中分門別類。名目繁多。有官場酬應之辭。有商賈往來之札。有士人贈答之章。推而至于藝術農工。勞人思婦。莫不相聯意氣。各有贈言。然一人有一人之心思。即有一人之聲口。有宜於典雅者。有宜於淺顯者。五花八門。不能例以一格。當世士大夫。好尙著作。尺牘名目。無美不臻。無格不備。惟青樓中往還通問。寄達纏綿。向無成書。可以開發聰明。取爲圭臬。今年秋仲。司香舊尉。特集歡場信札六十五篇。訂爲兩集。名曰花影尺牘。問序於余。余惟信函一道。識者難言。今集中數十篇。皆文理精

花影尺牘序

一

徵。祠華典贍。洵可爲後學枕中之秘書成之後。定當紙貴洛陽也。是爲序。
丙戌中秋日吳門蔡床小隱

民國十二年正月重修再版



花影尺牘卷上

惜春外史編錄

與萬寶珠

李藹如

寶珠可人青眼。江湖載酒。曾客揚州。北里尋芳。幸逢彼美。三生夙好。一夕良緣。憐我
憐卿。眞有如六才子所謂魚水和諧。兩情歡愛者。扁舟辭別。匆匆已屆五旬。刻
下細雨催涼。秋風淅至。遙念

粧樓如意

起居定必增康。天末鰥生。無任忻慰。某自遭訟累。債務如山。雖築赧王之臺。亦苦
避不勝避。中元日。里中孟蘭大會。諸好事公舉某爲倡首。衆情難却。委曲從之。
任怨任勞。竭一月辛勤。始克粗有眉目。計此會延僧備綵。共費萬金之多。廢事
傷財。誠屬無益。前在平山堂時。曾約

芳卿看會遊玩。今已及時。望王母青鸞綵輿早駕。不勝引領之至。此頌。秋佳。

與周文香

文香眉史如晤。萬蟬聲裏。道暑申江。雪藕調冰。其樂無極。不圖秋風促客。短棹催歸。竟買一葉蜻蜓。匆匆回皖。於中元日。始抵平陽。家務紛繁。文債山積。排日就理。竭一月之辛苦。始得一掃而空。此際池敗殘荷。井飄梧葉。遙稔

妝樓晉吉。

鏡閣延禧。圓好夢於花天。因緣雙璧長。

芳名於歌席。身價千金。先熱心香。預爲馳賀。僕皖江濁物。碌碌無才。謬承

青眼。相加得侍。

巾幘幃中。把臂簾底。同心眞個銷魂。幾令人除却巫山。不是雲矣。今寄來文紗兩端。糟蛋兩甕。須乞即付收條。以免遠人記憶。回信仍託招商局魏勉齋轉交。斷無遺誤。專此佈奉。心與書馳。順請

歌安不備

與王德仙

朱百遂

德仙侍書知我初二日冒雨登舟時風姨正狂雷電相繼舟至七里灘篙師不能把櫂誤觸石檣遂至沈溺幸河口甚隘水淺風迴未入蛟宮之選然已萬死一生矣行裝盡濕投該處鄉鎮寄宿一宵次日易舟之申始將心放下舍館甫定結習復生然滬江雖爲花月之場燕小鶯嬌可人不少而一種旖旎纏綿和藹溫柔之致終無出

卿右者故雖歌衫舞席載酒徵歡一念意中相賞之人未免土飯塵羹吐棄一切想三生石上我兩人別有奇緣也辦捐一節尙未就理須俟小翁回申方可商量屈指星橋期近未知能踐前言否專此率布數行以呈芳鑒並請

玉安

卷八 雜

索巧仙照影

巧仙侍史芳鑒荷香道暑載酒同遊雪藕調冰享盡清涼
福秋風初起短檣催歸
留別依依遂令客裏青山黯然無色刻下月圓如鏡桂子香飄
追想清遊何止
一日三秋之感遙維

起居百福

芳譽日隆歌舞西樓管絃北里私心嚮往固非如南豐禱祝徒託空言也僕雙星
渡河後二日始到南山即有津門之聘海關一席碌碌依人彈鋏歌魚殊無聊
賴幸居停愛才下士蓮花幕裏得以安身惟客裏形單每當酒酣耳熱之餘撫
景淒涼銷魂欲羅因特專函奉達乞將前印之合歡洋照寄我一張俾獨眠人
相對眞眞聊慰旅齋寂寞也草此卽問

近佳不戢

寄孫少江

李巧仙

少江尊兄愛下。嫦娥圓面。恰到十分。桂子香飄。正深秋水。伊人之感。忽青鳥使。自津門來。接到。

尊諭欣悉

文祺宣

旅社翹華。俾深閨無限相思。如兔起鶻落。感甚慰甚。

索寄洋照。妹處前印之十二張。均先後爲人攘去。然承吾

哥摯受。垂念殷拳。必欲以薄命容顏。爲解釋相思之散。因特赴興昌鋪中。僱工重印。較前照加長三寸。特行寄奉。恐

有情相見之餘。當深訝花下容光爲

鄒樵悴固不惟腸肝瘦減一團也。妹於重陽前後擬卜驚遷。屆時移定巢居。再當奉達桂珠姊。負債山積。節前爲朱姓客招往侑酒。一去不回。出苦海而證菩提。眞令人艷羨不止。草此卽請旅安。不莊不備。

覆李巧仙

巧仙芳卿青睞。黃菊滿窗。白衣不至。素心人遠。正在洞溯秋江。忽曉茗兄自申江來。袖出

芳函。念舊情殷。溢於言表。并承

惠送晨妝小影一幀。紙樣既大。着色尤工。紙上眞眞。亭亭欲語。小窗相對。令我銷魂。謹當什襲珍藏。焚香供奉。日日作劉楨之平視也。秋風薦冷。遍地涼颼。吾

卿以孱弱之軀。千萬留心餐衛。僕近日雖無甚要事。然終不得抽身。擬俟江上楓

丹天南雁至。再行買帆南下與。

卿樓頭對酒。一叙離情。爾時紅樹斜陽。風光燦爛。倘果有黃封斗酒。謹當携蒼頭奴赤脚婢。提榼追隨。相賞於長堤短陌間。亦樂事也。裁箋訂約。心與書馳。不知香國同心。爲之神往否。草此作復。卽候。

芳祉不一。

寄孫少江

李巧仙

少江大貴人尊。前昨日夜半歸。見儿上有雙鯉魚。剖腹視之。得尺一書。知前寄洋照業已收到。并悉。

文駕將次來中。再圖良聚。聞之喜而不寐。當安排拂席掃徑。拭几焚香。以期貴客惠臨。相與煮酒評茶。紅樓絮語。消此長夜。證我良緣。昨夜燈花結。今朝蟠子飛。不禁翹首以俟。妹近日爲遷屋一節。費盡經營。其始債項未清。繼則本家勒。

范 影 尺 牘 卷 上

九

祖幸陸月鋤出塲以大力量壓人彼始見幾歎迹今居大橋曲江里第二弄墜
三椽茅屋局促如轆下駒惟後園隙地三弓大可二畝中有花有木有池有事
偷吾 哥駕抵申江正可邀二三故人在此設文酒之譚妹亦得杖履追陪也
肅此奉復并請

鈞安

寄吳新卿

新卿賢錄事如晤十六日由寶順信局專寄一緘并附洋一百五十元翡翠帽珍四
粒至今已越八日刻得

來札並未提及豈石頭城下竟付浮沈耶爲物匪輕未免令人記憶乞向該局一

查即行

覆我

寄來廣東茶食十二種糖物八種計八瓶二十四匣業已全數收到勿念爲荷連日梅雨如注簷溜不停知己人遠殊覺詩懷悶損昨日又得舍間書札知詠春舍弟以第二人探花及策料理報務月底須回蘇一行爾時道出申江雖不能久作勾留或可再圖一叙許子芳鷹睛削臉恐非好人雖揮霍甚豪以鄙意測之終不能始終如一者乞疎遠之心腹之語勿謂僕之作梅子酸也專此即請
閨安千萬珍重

寄楊月卿

月卿賢校書芳鑒吳門浪迹花鳥留人偶爲北里之遊竟入東風之選珠簾相見幸識傾城脂天粉海中月旦評章

卿實爲第一流人物洵時中之猗猗世上之鸞鳳也天意使然得成美眷山塘一榻擊誼千重玉體投懷春香滿抱縱使魯男子復生亦當爲

卿失節此景此情至今猶在目前夜靜更闌思之惆悵晨下冷風如翦葉秃千山
遊子飄零白雲千里每欲買帆南下再續前歡而俗事留人如一把亂絲無從
清理擬俟長洲春入女兒花發之時無論作嫁身忙必當來蘇一叙也草此卽
頌

近安不一

寄周侶棠

侶棠賢妹青衫落拓浪迹天涯彈劍依人宛若風萍海燕荷吾

妹以風塵之賞識許枕席之同心銀燭開筵浪叨艷福眞平生之幸事遇合之奇
緣也武昌之行出於無奈又承餞行贈物趨送江頭羸馬敝裘遊子頓爲生色
惟念

美人情重種種纏綿夜靜更深殊覺難爲懷抱耳春風蕭冷冰凍未開暗雪梅花

未識有何韻事但願文鴛雙宿處綠雲好夢穩清涼一片痴心每吟此二句以爲祝僕臨行時方寸絲牽有牙章一方公文一紙廣東監局信一封誤攔在吾妹紅木櫥內乞即檢出封固妥交局中寄湖北漢口王昌汧行何定生代收不誤此請

閨安諸祈自玉

寄彭繡寶

繡寶芳卿侍史兩月不見如隔億千萬年古人所謂相思山積今直將彌綸天地間矣桂芳書來欣知吾

卿玉體增綏

金閨集祜并悉三月初二日蚌胎拆副竟舉一雄想見初試啼聲定爲英物特他日長成之後抓梨分棗無處覓阿家翁耳湯餅筵開理應躬賀近日軍書旁午

手不停揮欲撥冗而無由因備金鐲一付金印一枝紅縐衣褲兩件繡鞋一雙
元錠兩隻每重五十兩特遣价送呈以爲芹賀之禮勿嫌菲薄乞

晒而登之

令姊嫁後聞隨宦前赴雲南以孱弱之身跋涉數萬里蠻烟瘴雨殊覺非宜僕已
寄信菊如令其解組歸來改就近省亦一舉而兩得也僕近須上好呂宋烟乞
購寄一箱示明價目以便寄奉專此順頌

璋喜不宣

寄李文玉

文玉眉史如見畫船載酒倚玉山塘登虎阜而甲寅娘上蘇臺而懷西子風流韻事
豔絕一時撫序懷人此景依然在目也別後鷓鴣催雁換忽忽經年誦牡丹亭曲
如花美眷似水流年之句能不爲之黯然僕於花朝後二日抵杭因嫌城中煩

擢遷居於西湖薛廬之南。攜室內之圖書，招山中之猿鶴。三椽茅屋，容膝能安。明月清風，時來相覲，不減孟浩然襄陽樂也。

卿素懷風雅，山水縈情。厭塵俗之煩緣，結西湖之好夢。倘果欲開眼界，乞即

示我一書。走當命奚奴駕短棹，前到吳中，載玉人至浙，一覽三竺六橋烟水，作孤山畫裏人也。端此馳書，即盼。

回玉順候

近佳

寄葉吟濤

吟濤校書慧鑒。榴花開放，曾倩梅花使者郵寄一緘。交淺言深，想明悟如

卿，必當俯納。芻蕘斷不以爲河漢。昨日

令妹自申江來，席上相逢，出於意外。言